



Senin, 05 Pebruari 2024

Ogen : Miha 7:7



Kuperdiateken Tuhan



Situasi kegeluhen bangsanta genduari sangana meriah ercakap kerna si man pilihan subuk presiden ras wakilna bage pe anggota legislative rikutken tingkatenna. Si jadi persinget rusur man banta e me pilihlah si bujur, si erkemalangen man Dibata. Si ermediate ku bas pengajaren Dibata. Penungkunenna, lit kin si bujur si man pilihan e? Menam lanai lit siteken saph-saph kita. Si man pilihan pe lanai tek man rakyat si milih, sebaliknya si milih pe lanai tek man calon si ipilih. Kerina ngukuri kepentingenna.

Bage me situasi bangsa Israel sanga masa nabi Miha erdahin ikutana. Kalak si bujur nina erkata bana, e pe bali ras peren duri, la terpake. Lanai lit tergejap perbahanen si mehuli, erbanabana, egois, lanai ermediate sada ras sidebanna. Tapi i bas situasi si bage, lit denga si bujur. Teridah arah pengakun nabi Miha; "...adi aku kuperdiateken Tuhan; alu ukur tetap ku timai si engkelini aku. Ibegiken Dibatangku nge aku."

Kuperdiateken, maksudna alu tutus megiken pengajaren Tuhan, iukuri alu mbages, janah ilakoken i bas kegeluhen si teptep wari. Aminna sekelewet Miha jahat perbahanenna, la engkurangi semangatna lako mperdiateken pengajaren Tuhan. Lit sada pengarapenna maka Tuhan mperdiateken kegeluhen kalak bujur ras begikenna pertotonna. Uga pe lit si mehuli si ate Tuhan ibahanna nandangi bangsaNa, sabap lit denga si bujur i tengah-tengah bangsa. Bali ras Nuh, iselamatkan Tuhan arah mara nari erkiteken ia bujur ras emperdiateken pengaraen Tuhan. Bage me pengarapenta nandangi bangsanta, lit denga nge si bujur amin mesera ndaramisa. Tetap si pindo man Tuhan.

Tuhan, tuduhken kalak si emperdiateken Kam